

# Javni poziv za mjeru podrške investicijama u diverzifikaciju ekonomskih i socijalnih aktivnosti u ruralnim područjima

Kroz ovaj javni poziv, vrijedan 6.5 miliona KM, Evropska unija će podržati mala poljoprivredna gazdinstva kako bi pokrenuli nove ekonomske ili socijalne aktivnosti kojima će diverzifikovati svoje izvore prihoda ili doprinijeti unapređenju kvaliteta života u ruralnim područjima. Prednost će biti data prijavama koje uključuju mala gazdinstva koja su upisana u registar poljoprivrednih gazdinstava, a čiji prihod ne prelazi 50.000 KM, odnosno koja nisu upisana u jedinstveni registar obveznika indirektnih poreza (PDV registar). Kroz ovaj javni poziv se od korisnika neće zahtijevati da registruju obrt/preduzetničku djelatnost ili preduzeće.

Također, kroz ovaj javni poziv će biti podržane i inicijative i aktivnosti koje će doprinijeti boljoj zapošljivosti mladih u ruralnim područjima (npr. poslovni inkubatori, razvojni hub-ovi i slično), unapređenju inovativnosti i konkurentnosti ruralnih preduzeća (npr. poslovni inovacijski centri, biznis inkubatori, hubovi i sl.). Dodatno, bit će podržane aktivnosti koje doprinose zapošljivosti i položaju žena u društvu kroz kreiranje infrastrukturne podrške (npr. vrtići, usluge podrške starijim osobama itd.), te za aktivnosti koje uopšteno doprinose unapređenju kvaliteta života na selu, uključujući i mlade (npr. omladinski klubovi, sportski, edukativni i kulturno-umjetnički sadržaji i sl.).

**Posebnu pažnju skrećemo na pojednostavljen proces prijave na javni poziv te obezbijeđenu tehničku podršku za unapređenje odabranih projektnih prijedloga za finansiranje.**

## **Ko se može prijaviti na ovaj javni poziv?**

Korisnici finansijske podrške u sklopu ovog javnog poziva su poljoprivredna gazdinstva, registrirani privredni subjekti, udruženja građana, privatne ustanove ili preduzeća **a kroz prijavu koju podnose jedinice lokalne samouprave (općine/opštine i gradovi).**

Navedeni potencijalni korisnici finansijske podrške svoje prijedloge za finansiranje podnositi će direktno jedinici lokalne samouprave u formi koncept projektnih prijedloga dok će jedinica lokalne samouprave objediniti sve pristigle koncept projektne prijedloge i dostaviti u jednoj prijavi prema EU4AGRI projektu, putem online sistema za podnošenje prijave, <https://javnipoziv.undp.ba/>. Dostavljanje prijave u bilo kojem drugom formatu (e-mail, pošta, fax i sl.) **nije prihvatljivo i prijave dostavljene na taj način neće biti uzete u razmatranje.**

**Jedinice lokalne samouprave ne mogu biti korisnici finansijske podrške.**

**Prijave se mogu podnijeti od 27.09.2022. godine dok je krajnji rok 21.11.2022. godine do 17:00 sati.**

Prijave se podnose isključivo putem elektronskog sistema dostave prijava <https://javnipoziv.undp.ba/> koji je obezbijedio EU4AGRI projekat. Dostavljanje prijava u bilo kojem drugom formatu (e-mail, pošta, fax i sl.) **nije prihvatljivo i prijave dostavljene na taj način neće biti uzete u razmatranje.**

**Instrukcije za korištenje online platforme možete pronaći na: [javnipoziv.undp.ba](https://javnipoziv.undp.ba/).**

Svi zainteresirani mogu pristupiti javnom pozivu putem oficijelne web stranice projekta, [eu4agri.ba](https://eu4agri.ba/).

Prva online INFO sesija bit će održana u utorak, **20. septembar u 10:00 sati**, putem Facebook stranice [EU4AGRI](https://www.facebook.com/EU4AGRI/).

Pored toga, u narednom vremenskom periodu bit će organizovan niz informativnih sesija u različitim gradovima BiH, te informacije o tačnom terminu i mjestu održavanja istih, bit će objavljene putem web stranice [eu4agri.ba](https://eu4agri.ba/).

Dodatna pitanja u vezi ovog poziva mogu se dostaviti putem formulara za pitanja na web stranici projekta <https://eu4agri.ba/postavi-pitanje> **u periodu od 20.09. do 10.11.2022. godine, do 16:00 sati**. Na sva pitanja koja stignu prije ili poslije navedenog roka neće se odgovarati.

### **Korak 1: Kako se prijaviti na javni poziv?**

Korak 1: Pročitajte dokument [Smjernice za podnosiocce prijava](#) u kojem se nalaze sve informacije o kriterijima javnog poziva, načinu popunjavanja i dostave prijave.

### **Korak 2: Prateća dokumentacija za prijavu na javni poziv:**

[Prilog 1 – Prijavni obrazac](#)

[Prilog 2 – 1 Koncept projektnog prijedloga LOT1](#)

[Prilog 2 – 2 Koncept projektnog prijedloga LOT 2](#)

[Prilog 3 – 1 II Budžet projekta direktni korisnik LOT 1](#)

[Prilog 3 – 2 Budžet projekta direktni korisnik LOT 2](#)

[Prilog 4 – Ukupan budžet projekta](#)

Prilog 5 – Pismo-namjere-o-sufinansiranju

Prilog 6 – UN Globalni principi

Prilog 7 – Lista za provjeru